

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo unutrašnjih poslova  
Uprava policije



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство унутрашњих послова  
Управа полиције

Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Internal Affairs**  
**Police department**

**INFORMACIJA O AKTIVNOSTIMA UPRAVE POLICIJE  
MINISTARSTVA UNUTRAŠNJIH POSLOVA KANTONA SARAJEVO  
ZA NOVEMBAR 2023. GODINE**

## KRIMINALITET

### STATISTIČKI POKAZATELJI

U novembru 2023. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 346 događaja s obilježjem krivičnog djela, što je za 16 ili 4,8% više u odnosu na isti mjesec prethodne godine.

Od ukupnog broja registrovanih događaja s obilježjem krivičnog djela, 176 ili 50,9% je evidentirano po poznatom izvršiocu, a 170 ili 49,1% po nepoznatom izvršiocu.

Od ukupno 170 događaja s obilježjem krivičnog djela evidentiranih po nepoznatom izvršiocu, naknadno je rasvijetljeno 85 događaja ili 50%, što je za 9,8% više u odnosu na uporedni mjesec.

OSNOVNI STATISTIČKI POKAZATELJI O DOGAĐAJIMA S OBILJEŽJEM KRIVIČNOG DJELA  
U NOVEMBRU 2023/22. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode	
	Ukupno	od toga		Ukupno	od toga iz ranijeg perioda	Ukupno	od toga			
		po poznatom izvršiocu	po NN izvršiocu				maloljetnici	povratnici		
<b>NOVEMBAR 2023. GODINE</b>	<b>346</b>	<b>176</b>	<b>170</b>	<b>85</b>	<b>56</b>	<b>237</b>	<b>7</b>	<b>150</b>	<b>106</b>	
NOVEMBAR 2022. GODINE	330	151	179	72	39	214	12	131	78	
<i>usporedba</i>	+/-	16	25	-9	13	17	23	-5	19	28
	%	4,8%	16,6%	-5%	18,1%	43,6%	10,7%	-41,7%	14,5%	35,9%

U toku novembra ove godine prijavljeno je 237 osoba (23 više), od kojih je 150 povratnika u vršenju krivičnih djela (19 više), što je 63,3% od ukupnog broja prijavljenih, sedam maloljetnika (pet manje), a 106 osoba je lišeno slobode (28 više).

Za događaje s obilježjem krivičnog djela, koji su evidentirani u novembru 2023. godine, prema izjavama oštećenih, nastupila je materijalna šteta u ukupnom iznosu od 578.434,25 BAM, 2.600,00 EUR, 350 USD i 50.000,00 RSD (u uporednom mjesecu materijalna šteta iznosila je 1.181.173,90 BAM, 600,00 EUR i 35.000,00 USD).

Uprava policije MUP Kantona Sarajevo je Kantonalnom tužilaštvu Kantona Sarajevo prosljedila na odluku, putem administrativnog djelovodnika, ukupno 163 obavijesti o događajima u kojima je pričinjena neznatna materijalna šteta (51 manje), od čega je 13 naknadno rasvijetljeno (dva više) i prosljeđeno tužilaštvu pod brojem iz krivičnog upisnika kao događaj s obilježjem krivičnog djela.

TABELARNI PREGLED DOGAĐAJA S OBILJEŽJEM KRIVIČNOG DJELA U NOVEMBRU 2023./22. GODINE  
NA PODRUČJU KANTONA SARAJEVO PREMA KRIVIČNOM ZAKONU FBiH I KZ BiH

KZ FBiH i KZ BiH	NOVEMBAR 2023. GODINE	NOV. 2022. GOD.	usporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijetljenih događaja	
			+ / -	%			broj	%
Protiv ustavnog poretka Federacije	1	0	1	---	0	1	0	0%
Protiv života i tijela	22	17	5	29,4%	17	5	4	80%
Protiv slobode i prava čovjeka i građanina	22	32	-10	-31,3%	20	2	0	0%
Protiv spolne slobode i morala	0	3	-3	---	0	0	0	---
Protiv braka, porodice i mladeži	33	19	14	73,7%	33	0	0	---
Protiv zdravlja ljudi	30	38	-8	-21,1%	30	0	0	---
Protiv imovine	191	183	8	4,4%	39	152	76	50%
Protiv opće sigurnosti ljudi i imovine	9	10	-1	-10%	3	6	1	16,7%
Protiv sigurnosti javnog prometa	7	5	2	40%	7	0	0	---
Protiv pravosuda	2	1	1	100%	2	0	0	---
Protiv javnog reda i pravnog prometa	19	12	7	58,3%	16	3	2	66,7%
Protiv podmičivanja i KD protiv službene i druge odgovorne funkcije	2	0	2	---	2	0	0	---
KD protiv sistema elekt. obrade podataka	0	0	0	---	0	0	1	---
Krivična djela korupcije i krivična djela protiv služb. i dr. odg. funkcije(KZ BiH)	2	0	2	---	2	0	0	---
Krivična djela protiv privrede i jedinstva tržišta te KD iz oblasti carina (KZ BiH)	1	0	1	---	1	0	0	---
Dogovor, pripremanje, udruživanje i organizirani kriminal (KZ BiH)	0	4	-4	---	0	0	0	---
ZONDINOIM-a (Sl.novine KS br.01/18)	5	6	-1	-16,7%	4	1	1	100%
UKUPNO	346	330	16	4,8%	176	170	85	50%

Zabilježeno je povećanja broja registrovanih događaja s obilježjem krivičnog djela za 16 ili 4,8%, i to u oblasti protiv braka, porodice i mladeži (za 14), imovine (za osam), dok su značajnija smanjenja evidentirana u oblastima protiv slobode i prava čovjeka i građanina (za deset) i zdravlja ljudi (za osam).

TABELARNI PREGLED BROJA DOGAĐAJA S OBILJEŽJEM KRIVIČNOG DJELA EVIDENTIRANIH PO POZNATOM I NEPOZNATOM  
IZVRŠIOCU NA PODRUČJU KANTONA SARAJEVO U NOVEMBRU 2023. GODINE

org. jedinica	org.jedinice UP u središtu	PU Stari Grad	PU Centar	PU Novo Sarajevo	PU Novi Grad	PU Ilidža	PU Hadžići i Trnovo	PU Vogošća	PU Ilijaš	UKUPNO
UKUPAN BROJ DOGAĐAJA S OBILJEŽJEM KRIVIČNOG DJELA	37	20	50	59	91	49	11	14	15	346
<i>BROJ DOGAĐAJA PO POZNATOM IZVRŠIOCU</i>	36	7	20	23	44	23	5	10	8	176
<i>BROJ DOGAĐAJA PO NEPOZNATOM IZVRŠIOCU</i>	1	13	30	36	47	26	6	4	7	170

PREGLED NAKNADNO RASVIJETLJENIH DOGAĐAJA S OBILJEŽJEM KRIVIČNOG DJELA  
EVIDENTIRANIH PO NEPOZNATOM IZVRŠIOCU

org. jedinica	org.jedinice UP u središtu	PU Stari Grad	PU Centar	PU Novo Sarajevo	PU Novi Grad	PU Ilidža	PU Hadžići i Trnovo	PU Vogošća	PU Ilijaš	UKUPNO
<b>BROJ DOGAĐAJA PO NEPOZNATOM IZVRŠIOCU</b>	1	13	30	36	47	26	6	4	7	170
<i>naknadno rasvijetljeni događaji evidentirani u izvještajnom mjesecu</i>	0	2	2	5	13	3	2	1	1	29
<i>naknadno rasvijetljeni događaji evidentirani u ranijem periodu</i>	2	8	10	17	9	6	1	1	2	56
<b>ukupan broj naknadno rasvijetljenih događaja</b>	2	10	12	22	22	9	3	2	3	85
<b>% ukupne naknadne rasvijetljenosti</b>	200%	76,9%	40%	61,1%	46,8%	34,6%	50%	50%	42,9%	50%

## PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

### PROTIV ŽIVOTA I TIJELA

Evidentirana su 22 događaja (pet više), i to 17 po poznatom i pet po nepoznatom izvršiocu. Evidentirano je:

- ubistvo (član 166. KZ FBiH) – jedan događaj,
- teška tjelesna ozljeda (član 172. KZ FBiH) – osam,
- lahka tjelesna ozljeda (član 173. KZ FBiH) – 13 događaja.

Nadležnom tužilaštvu podneseni su službeni izvještaji protiv 24 osobe, od kojih je osam povratnika ili 33,3%, a šest osoba je lišeno slobode.

### PROTIV SLOBODE I PRAVA ČOVJEKA I GRAĐANINA

Iz ove oblasti evidentirana su 22 događaja (deset manje), i to: ugrožavanje sigurnosti – 19, protupravno lišenje slobode, otmica i neovlašteno optičko snimanje – po jedan događaj, za čije izvršenje je prijavljeno 17 osoba, od kojih je 12 povratnika (ili 70,6%), a 12 osoba je lišeno slobode.

### PROTIV BRAKA, PORODICE I MLADEŽI

Iz oblasti protiv braka, porodice i mladeži evidentirana su 33 događaja (14 više), i to: nasilje u porodici – 29, oduzimanje djeteta ili maloljetnika, zapuštanje ili zlostavljanje djeteta ili maloljetnika, povreda porodičnih obaveza i izbjegavanje izdržavanja – po jedan događaj, za čije izvršenje su prijavljene 33 osobe, od kojih je 18 povratnika (ili 54,5%), a 23 su lišene slobode.

Broj događaja s obilježjem krivičnog djela nasilja u porodici povećan je za 11 ili 61,1%, a evidentirani su na području općina: Novi Grad – 11, Novo Sarajevo – šest, Ilidža – pet, Stari Grad – tri, Vogošća i Ilijaš – po dva događaja.

### PROTIV ZDRAVLJA LJUDI

Evidentirano je 30 događaja (osam manje) i to:

- neovlaštena proizvodnja i stavljanje u promet opojnih droga (čl. 238. KZ FBiH) – dva i
- posjedovanje i omogućavanje uživanja opojnih droga (čl. 239. KZ FBiH) – 28 događaja.

Nadležnom tužilaštvu podneseni su službeni izvještaji protiv 30 osoba, među kojima je 16 povratnika (ili 53,3%) i 23 osobe su lišene slobode.

Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv K.A. (1972) i R.A. (1988) zbog postojanja osnova sumnje da su u proteklom periodu u više navrata kupovali opojnu drogu "Marihuanu", „Amfetamin“, od za sada nepoznatih lica, na raznim lokalitetima, istu čuvali i prepakivali, a zatim vršili prodaju raznim konzumentima na području Kantona (krivično djelo **iz člana 238. KZ FBiH – Neovlaštena proizvodnja i stavljanje u promet opojnih droga**), a protiv 27 osoba koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (krivično djelo **iz člana 239. KZ FBiH – Posjedovanje i omogućavanje uživanja opojnih droga**).

PREGLED ODUZETE KOLIČINE OPOJNIH DROGA U NOVEMBRU 2023/22. GODINE

VRSTA OPOJNE DROGE	novembar 2023. godine	novembar 2022. godine
Marihuana (paketići)	18	39
Marihuana (u gramima)	433,765	683,185
Heroin (u gramima)	---	1
Heroin (paketići)	---	1
Amfetamin (paketići)	12	50
Amfetamin (u gramima)	105,916	639,342
Ecstasy (tablete kom.)	---	98
Speed (paketići)	4	6
Hašiš (u gramima)	---	3,685
Kokain (u gramima)	0,104	---
pribor sa ostacima droge (komada)	3	7

PROTIV IMOVINE

Evidentiran je 191 događaj (39 po poznatom i 152 po nepoznatom izvršiocu). što je za osam ili 4,4% više u odnosu na isti mjesec prošle godine. Evidentirano je:

- teška krađa (član 287. KZ FBiH) – 83 (četiri manje), od čega su dvije teške krađe na naročito opasan ili naročito drzak način (član 287. KZ FBiH st. (1) tačka b) – (dvije manje),
- krađa (član 286. KZ FBiH) – 54 (dva manje),
- oštećenje tuđe stvari (član 293. KZ FBiH) – 19 (pet više),
- razbojništvo (član 289. KZ FBiH) – 11 (četiri više),
- prijevera (član 294. KZ FBiH) – devet (sedam više),
- utaja (član 290. KZ FBiH) – četiri (dva manje),
- teška krađa u pokušaju (član 287. u vezi člana 28. KZ FBiH) – tri (tri manje), itd.

Nadležnom tužilaštvu podneseni su službeni izvještaji protiv 94 osobe, od kojih je 71 povratnik (ili 75,5%), a 27 je lišeno slobode. Od ukupno 152 događaja evidentirana po nepoznatom izvršiocu iz oblasti protiv imovine **naknadno je rasvijetljeno 76 ili 50%** što je **za 9,9% više** u odnosu na novembar 2022. godine.

Tokom novembra ove godine, 26 teških krađa izvršeno je u stambene objekte (isto), 25 u poslovne objekte (osam manje), 17 u motorna vozila – otuđenja motornih vozila i “provale” u ista (13 manje), osam na ulici (sedam više), itd.

U novembru su **otuđena četiri putnička motorna vozila**, što je za **četiri ili 50% manje** u odnosu na uporedni mjesec.

PREGLED BROJA OTUĐENIH MOTORNIH VOZILA NA PODRUČJU KANTONA SARAJEVO PO POLICIJSKIM UPRAVAMA U NOVEMBRU 2023/22. GODINE

POLICIJSKA UPRAVA	PU Stari Grad	PU Centar	PU Novo Sarajevo	PU Novi Grad	PU Ilidža	PU Hadžići i Trnovo	PU Vogošća	PU Ilijaš	UKUPNO
BROJ OTUĐENIH VOZILA – NOVEMBAR 2023. GODINE	0	0	0	3	1	0	0	0	4
BROJ OTUĐENIH VOZILA – NOVEMBAR 2022. GODINE	1	3	1	1	2	0	0	0	8
UPOREDBA NOVEMBAR 2023./22. GODINE	+,-	-1	-3	-1	2	-1	0	0	-4
	%	---	---	---	200%	-50%	---	---	-50%

U novembru 2023. godine, pronađena su i **vraćena dva motorna vozila**. Zbog postojanja osnova sumnje da su učestvovali u otuđenju motornih vozila, nadležnom tužilaštvu podneseni su službeni izvještaji protiv četiri osobe koje su lišene slobode.

PREGLED BROJA OTUĐENIH I VRAĆENIH PUTNIČKIH MOTORNIH VOZILA NA PODRUČJU KANTONA SARAJEVO PO POLICIJSKIM UPRAVAMA U NOVEMBRU 2023. GODINE

POLICIJSKA UPRAVA	PU Stari Grad	PU Centar	PU Novo Sarajevo	PU Novi Grad	PU Ilidža	PU Hadžići i Trnovo	PU Vogošća	PU Ilijaš	UKUPNO
broj otuđenih motornih vozila	0	0	0	3	1	0	0	0	4
broj vraćenih mv	0	0	0	1	1	0	0	0	2
% vraćenih mv	---	---	---	33,3%	100%	---	---	---	50%

Evidentirana su **54 događaja** s obilježjem krivičnog djela **krađe** (dva manje) i to: u poslovnim prostorijama – 27 puta, na ulici – 11, u stambenim objektima – deset, vozilima JGS – dva, itd. Otudivani su mobiteli, novčanici, prehrambeni proizvodi, bicikli, kozmetika, itd. Nadležnom tužilaštvu podneseni su službeni izvještaji protiv 27 osoba, od čega su 24 povratnika u činjenju krivičnih djela ili 88,9%, a četiri osobe su lišene slobode.

Evidentirana su **dva događaja** s obilježjem krivičnog djela **teška krađa na naročito opasan ili naročito drzak način** (dva manje). Nadležnom tužilaštvu podneseni su službeni izvještaji protiv tri osobe, povratnika u činjenju krivičnih djela.

U novembru ove godine evidentirano je **11 događaja** s obilježjem krivičnog djela **razbojništva** (četiri više), i to šest po poznatom i pet po nepoznatom izvršiocu: PU Novi Grad – pet (četiri više), PU Centar – tri (dva više), PU Ilidža – dva (jedan manje) i PU Novo Sarajevo – jedan (nije bilo). U novembru su naknadno rasvijetljena četiri razbojništva ili 80%, što je za 22,9% više u odnosu na uporedni mjesec. Nadležnom tužilaštvu podneseni su službeni izvještaji protiv 11 osoba, od kojih je sedam povratnika u činjenju krivičnih djela (63,6%), a osam osoba je lišeno slobode.

Razbojništva su izvršena prijetnjom upotrebe pištolja – četiri puta, prijetnjom upotrebe noža ili drugog oštrog predmeta – šest i prijetnjom upotrebe fizičke snage - jednom, a počinjena su na ulici i u kladionici – po tri puta, u stanu – dva, u apoteci, prodavnici i na benzinskoj pumpi – po jednom, pri čemu su otudivani mobiteli i novac.

PROTIV OPĆE SIGURNOSTI LJUDI I IMOVINE

Iz ove oblasti evidentirano je devet događaja (jedan manje) i to: izazivanje opće opasnosti – šest, teška krivična djela protiv opće sigurnosti ljudi i imovine, izazivanje opće opasnosti u pokušaju i nesavjesno čuvanje pasa i drugih opasnih životinja – po jedan događaj, a nadležnom tužilaštvu podneseni službeni izvještaji protiv četiri osobe (dva povratnika), a tri osobe su lišene slobode.

1.2.7. PROTIV JAVNOG REDA I PRAVNOG PROMETA

U ovoj oblasti evidentirano je 19 događaja (sedam više) i to: nasilničko ponašanje – 11, napad na službenu osobu u vršenju poslova sigurnosti i krivotvorenje isprave – po tri i nedozvoljene držanje oružja ili eksplozivnih materija – dva događaja. Nadležnom tužilaštvu podneseni su službeni izvještaji protiv 17 osoba, od čega je 13 povratnika, a osam je lišeno slobode.

**DOGAĐAJI S OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA**

U novembru 2023. godine evidentirana su četiri događaja s obilježjem krivičnog djela, u kojima je učestvovalo sedam maloljetnika, od kojih su dva povratnika. U odnosu na isti mjesec 2022. godine smanjen je broj maloljetnika za pet ili 41,7%, kao i broj događaja s obilježjem krivičnog djela za pet ili 55,5%. Prijavljeni maloljetnici su u dobi od 14 do 16 godina – pet i od 16 do 18 godina – dva lica.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA U KOJIMA SU UČESTVOVALI MALOLJETNICI U NOVEMBRU 2023/2022. GODINE

Mjesec	Broj događaja sa obilježjem krivičnog djela	Broj evidentiranih maloljetnika	Broj povratnika
<b>NOVEMBAR 2023. GODINE</b>	<b>4</b>	<b>7</b>	<b>2</b>
NOVEMBAR 2022. GODINE	9	12	3
Usporedba	-5 ili 55,6%	-5 ili 41,7%	-1 ili 33,3%

TABELARNI PREGLED DOBNE STRUKTURE PRIJAVLJENIH MALOLJETNIH IZVRŠILACA U NOVEMBRU 2023/2022. GODINE

Mjesec	do 14 godina	od 14 do 16 godina	od 16 do 18 godina	Ukupno
<b>NOVEMBAR 2023. GODINE</b>	<b>0</b>	<b>5</b>	<b>2</b>	<b>7</b>
NOVEMBAR 2022. GODINE	2	7	3	12
Usporedba	-2	-2 ili -28,6%	-1 ili 33,3%	-5 ili 47,7%

STRUKTURA DOGAĐAJA S OBILJEŽJEM KRIVIČNOG DJELA U KOJIMA SU UČESTVOVALI MALOLJETNICI NOVEMBAR 2023/2022. GODINE

Događaji sa obilježjem krivičnog djela (KZ FBiH)	NOVEMBAR 2023.	NOVEMBAR 2022.	UPOREDBA
lahka tjelesna ozljeda	<b>1</b>	2	-1 ili 100%
teška tjelesna ozljeda	<b>0</b>	1	-1
ugrožavanje sigurnosti	<b>0</b>	1	-1
posjedovanje i omog. uživanja opojnih droga	<b>0</b>	2	-2
krađa	<b>1</b>	0	1
teška krađa u pokušaju	<b>0</b>	1	-1
oštećenje tuđe stvari	<b>1</b>	0	1
teška krivična djela protiv sigurnosti javnog prometa	<b>1</b>	0	1
nasilničko ponašanje	<b>0</b>	1	-1
napad na službenu osobu u vršenju poslova sig.	<b>0</b>	1	-1
UKUPNO	<b>4</b>	9	-5 ili 55,6%

## OSTALA PROTIVPRAVNA I ASOCIJALNA PONAŠANJA

### AKTIVIRANJE MINSKO-EKSPLOZIVNIH SREDSTAVA

U novembru 2023. godine na području Kantona Sarajevo nije bilo evidentiranih događaja aktiviranja minsko-eksplozivnih sredstava (dva u novembru 2022. godine), dok je nadležnom tužilaštvu dostavljen jedan službeni izvještaj za događaj evidentiran u oktobru ove godine.

Evidentirano je 17 anonimnih dojava o postavljenim eksplozivnim napravama (četiri u novembru 2022. godine), 16 se odnosilo na osnovne škole i jedna na ugostiteljski objekat. Nakon KDZ pregleda utvrđeno je da su dojave bile lažne, a preduzimaju se aktivnosti na rasvjetljavanju ovih događaja i pronalaženju učinilaca.

## POŽARI

Na području Kantona Sarajevo registrovano je 19 požara (sedam više), u kojima je jedna osoba lakše povrijeđena. Požari su registrovani na području općina: Ilidža – osam, Novi Grad – šest, Centar – dva, Stari Grad, Novo Sarajevo i Vogošća – po jedan požar. Prema pokazateljima, tehnički nedostaci su uzrok osam požara, tri su izazvana nehatom, dva namjerno, dok uzroci šest požara spadaju u kategoriju *ostalih*.

Požari su registrovani u stambenom objektu – šest puta, saobraćajnom sredstvu – šest, pomoćnom objektu – četiri, poslovnom prostoru – jednom, ostalim objektima – dva puta. Nadležnom tužilaštvu podneseno je šest službenih izvještaja: pet iz člana 323. KZ FBiH (Izazivanje opće opasnosti) i jedan iz člana 301. KZ FBiH (Paljevina).

## SAMOUBISTVA

U novembru 2023. godine na području Kantona Sarajevo nisu registrovana samoubistva (u uporednom periodu evidentirana su dva slučaja).

## OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je devet pištolja, četiri noža, 108 komada municije različitog kalibra, jedan bokser i šest predmeta podobnih za nanošenje tjelesnih ozljeda.

Fizičkim licima izdato je 158 odobrenja za nabavku vatrenog oružja i 185 oružnih listova.

## JAVNI RED I MIR

U toku novembra 2023. godine iz oblasti javnog reda i mira evidentirano je 355 prekršaja (73 ili 17,1% manje), za čije izvršenje je prijavljeno 398 osoba (68 ili 14,6% manje), od čega 64 povratnika u činjenju prekršaja.

Zbog učinjenih prekršaja iz oblasti javnog reda i mira uručeno je 279 naloga i podnesen je 71 zahtjev za pokretanje prekršajnog postupka. Na prekršaje utvrđene Zakonom o prekršajima protiv javnog reda i mira odnosi se 336 prekršaja (94,6%), a na prekršaje koji su utvrđeni odlukama općinskih vijeća 19 (5,4%).

Od ukupnog broja prijavljenih, prema starosnoj strukturi učinilaca prekršaja, najbrojniji su u dobi preko 36 godina (214), između 26 i 35 godina (116), između 19 i 25 godina (66) i do 18 godina – dvije osobe.

Prilikom narušavanja javnog reda i mira nije bilo teže povrijeđenih (isto), dok je šest osoba (šest ili 50 % manje) lakše povrijeđeno.

TABELARNI PREGLED EVIDENTIRANIH PREKRŠAJA IZ OBLASTI JAVNOG REDA I MIRA ZA  
NOVEMBAR 2023/2022. GODINE

mjesec	PU Stari Grad	PU Centar	PU Novo Sarajevo	PU Novi Grad	PU Ilidža	PU Hadžići i Trnovo	PU Vogošća	PU Ilijaš	JZS	ukupno
<b>novembar 2023.</b>	<b>55</b>	<b>80</b>	<b>42</b>	<b>49</b>	<b>75</b>	<b>16</b>	<b>15</b>	<b>13</b>	<b>10</b>	<b>355</b>
novembar 2022.	74	84	67	86	34	16	26	35	6	428
uporedba	-19 ili 25,7%	-4 ili 4,8%	-25 ili 37,3%	-37 ili 43%	41 ili 120,6%	isto	-11 ili 42,3%	-22 ili 62,9 %	4 ili 66,7%	-73 ili 17,1%

Smanjen je broj evidentiranih prekršaja u svim policijskim upravama, osim u PU Ilidža gdje je evidentirano povećanje (za 41 ili 120,6%) i Jedinici za saobraćaj (za 4 ili 66,7%), dok je u PU Hadžići i Trnovo ostao isti broj prekršaja (16).



TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA  
ZA NOVEMBAR 2023/2022.GODINA

PREKRŠAJI IZ ZAKONA O JRIM:	NOVEMBAR 2023.	NOVEMBAR 2022.	+ - %
-Tuče	39	37	2 ili 5,4%
-Naročito drsko ponašanje	64	71	-7 ili 9,8%
-Odbijanje naređenja i omalovaž. pol. služb.	25	29	-4 ili 13,8%
-Svađa, vika, nepristojno ponašanje	12	19	-7 ili 36,8%
-Uživanje opojne droge na javnom mjestu	60	24	36 ili 150%
-Neovlaštena upotreba oružja	2	1	1 ili 100%
-Prosjačenje	69	156	-87 ili 55,8%
-Ostali prekršaji iz Zakona o JRiM	65	78	-13 ili 16,7%
Prekršaji prema Odluci općinskog vijeća o JRiM	19	13	6 ili 46,1%
ukupno	355	428	-73 ili 17,1%

Prema strukturi prekršaja, u odnosu na uporedni period, smanjen je broj:

- prosjačenja za 87 ili 55,8%,
- ostalih prekršaja za 13 ili 16,7%,
- svađa, vika, nepristojno ponašanje za sedam ili 36,8%,
- naročito drskog ponašanja za sedam ili 9,8% i
- odbijanje naređenja i omalovažavanje policijskih službenika za četiri prekršaja (ili 13,8%),

dok je povećan broj:

- uživanja opojne droge na javnom mjestu za 36 ili 150%,
- prekršaja koji su regulisani Odlukom općinskih vijeća za šest ili 46,1%,
- tuča za dva ili 5,4% i
- neovlaštena upotreba oružja za jedan prekršaj (ili 100%).

Prema vrsti prekršaja, najbrojniji su: prosjačenje (69 ili 19,4%), *ostali* prekršaji (65 ili 18,3%), naročito drsko ponašanje (64 ili 18%), uživanje opojne droge na javnom mjestu (60 ili 16,9%), tuče (39 ili 11%), odbijanje naređenja i omalovažavanje policijskih službenika (25 ili 7%), svađa, vika, nepristojno ponašanje (12 ili 3,4%) i neovlaštena upotreba oružja – dva prekršaja (ili 0,6%).

Prema mjestu izvršenja, najveći broj prekršaja evidentiran je na ulici, trgovima, putevima i drugim otvorenim prostorima 325 (91,5% od ukupnog broja), a znatno manje na ostalim mjestima 23 (6,5%) i u ugostiteljskim objektima sedam prekršaja (2%).

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA  
NOVEMBAR 2023/2022. GODINE

MJESTO IZVRŠENJA	NOVEMBAR 2023.	NOVEMBAR 2022.	UPOREDBA
Ulice, trgovina, putevi i drugi otvoreni prostori	325	395	-70 ili 17,7%
Ugostiteljski objekti	7	10	-3 ili 30%
Sportski stadioni i dvorane	0	0	0
Vozila javnog saobraćaja	0	2	-2
Škole i školska dvorišta	0	0	0
Trgovinske i zanatske radnje	0	0	0
Ostala mjesta	23	21	2 ili 9,5%
UKUPNO	355	428	-73 ili 17,1%

U odnosu na uporedni period, smanjen je broj prekršaja na ulicama, trgovima, putevima i drugim otvorenim prostorima za 70 ili 17,7%, u ugostiteljskim objektima za tri ili 30% i u vozilima javnog saobraćaja za dva prekršaja, dok je broj prekršaja na ostalim mjestima povećan za dva (9,5%).

Na području Kantona Sarajevo u novembru 2023. godine održano je 278 javnih skupova (35 ili 14,4% više). Policijski službenici Uprave policije proveli su planske aktivnosti za bezbjedno održavanja javnih skupova i izvršili 78 KDZ osiguranja.

## SAOBRAĆAJ

Na području Kantona Sarajevo u novembru 2023. godine registrovana je 861 saobraćajna nezgoda (12 ili 1,4% manje), od čega su 784 s materijalnom štetom (18 ili 2,2% manje) i 77 s nastradalima (šest ili 8,4% više).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
U NOVEMBRU 2023./22. GODINE

	novembar 2023	novembar 2022	usporedba
UKUPNO SAOBRAĆAJNIH NEZGODA	<b>861</b>	873	- 12 ili 1,4 %
Saobraćajne nezgode sa nastradalim licima	<b>77</b>	71	+ 6 ili 8,4 %
Saobraćajne nezgode sa materijalnom štetom	<b>784</b>	802	- 18 ili 2,2 %
POGINULO LICA	<b>4</b>	0	+ 4
- vozači	<b>1</b>	0	+ 1
-putnici	<b>1</b>	0	+ 1
- pješaci	<b>2</b>	0	+ 2
POVRIJEĐENO LICA	<b>85</b>	79	+ 6 ili 7,6 %
- vozači	<b>53</b>	35	+ 18 ili 51,4 %
- putnici	<b>14</b>	16	- 2 ili 12,5 %
- pješaci	<b>18</b>	28	- 10 ili 35,7 %

Saobraćajne nezgode evidentirane su na području općina: Centar – 243, Novi Grad – 226, Novo Sarajevo – 181, Ilidža – 96, Stari Grad – 39, Vogošća – 31, Ilijaš – 24, Hadžići – 20 i Trnovo – jedna saobraćajna nezgoda.

TABELARNI PREGLED BROJA SAOBRAĆAJNIH NEZGODA PO OPĆINAMA  
U NOVEMBRU 2023./22. GODINE

mjesec	UKUPAN BROJ SAOBRAĆAJNIH NEZGODA PO OPĆINAMA									ukupno
	Stari Grad	Centar	Novo Sarajevo	Novi Grad	Ilidža	Hadžići	Trnovo	Vogošća	Ilijaš	
<b>novembar 2023</b>	<b>39</b>	<b>243</b>	<b>181</b>	<b>226</b>	<b>96</b>	<b>20</b>	<b>1</b>	<b>31</b>	<b>24</b>	<b>861</b>
novembar 2022	37	223	157	227	165	21	2	22	19	873
usporedba	+ 2 ili 5,4 %	+ 20 ili 9 %	+ 24 ili 15,3 %	- 1 ili 0,4 %	- 69 ili 41,8 %	- 1 ili 4,8 %	- 1 ili 50 %	+ 9 ili 40,9 %	+ 5 ili 26,3 %	- 12 ili 1,4 %

U naselju je registrovano 775 saobraćajnih nezgoda (tri sa poginulima, 58 sa povrijeđenima i 714 s materijalnom štetom), van naselja 86 nezgoda (16 s povrijeđenima i 70 s materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO U NOVEMBRU 2023. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
U naselju	3	6	52	714	775	4	6	56
Van naselja		1	15	70	86		1	22
<b>Ukupno</b>	<b>3</b>	<b>7</b>	<b>67</b>	<b>784</b>	<b>861</b>	<b>4</b>	<b>7</b>	<b>78</b>

Prema **kategoriji puta**, najveći broj saobraćajnih nezgoda registrovan je na ulicama u naselju (607), na magistralnim putevima (116), na lokalnim putevima (75), na regionalnim putevima (35) i na putevima koji se ubrajaju u kategoriju *ostalih* (28).

#### POSLJEDICE SAOBRAĆAJNIH NEZGODA


Tokom novembra 2023. godine, u saobraćajnim nezgodama na području Kantona Sarajevo nastradalo je 89 osoba (10 ili 12,6% više). Četiri osobe su poginule (u novembru 2022. nije bilo poginulih), dok je 85 osoba povrijeđeno (šest ili 7,6% više), od čega sedam teže (11 ili 61,1% manje) i 78 lakše (17 ili 27,9% više).

#### POVRIJEĐENI U SAOBRAĆAJNIM NEZGODAMA

Od ukupno 85 povrijeđenih, evidentirana su: 53 vozača (jedan teže i 52 lakše), 18 pješaka (šest teže i 12 lakše) i 14 lakše povrijeđenih putnika.

POSLJEDICE SOBRAĆAJNIH NEZGODA U NOVEMBRU 2023./22. GODINE

Grafički prikaz broja povrijeđenih lica u saobraćajnim nezgodama na području Kantona Sarajevo u mjesecu novembru 2023./22. godine po općinama



#### Starosna struktura nastradalih u saobraćajnim nezgodama:

- od 6 do 14 godina – dvije osobe,
- od 15 do 17 godina – pet,
- od 18 do 20 godina – četiri,
- od 21 do 24 godine – 12,
- od 25 do 30 godina – 11,
- od 31 do 40 godina – 21,
- od 41 do 50 godina – 13,
- od 51 do 65 godina – 10,
- 66 i više godina – 11 osoba.

### Starosna struktura nastradalih vozača u saobraćajnim nezgodama:

- od 18 do 23 godine – šest osoba,
- od 23 do 30 godina – 12,
- od 30 do 40 godina – 19,
- od 40 do 50 godina – 10,
- od 50 do 60 godina – četiri,
- 60 i više godina – tri osobe.

### UZROCI SAOBRAĆAJNIH NEZGODA

- nepropisno izvođenje radnji u saobraćaju – 166,
- neprilagođena brzina – 93,
- kretanje vozilom unazad na kratkom dijelu puta – 53,
- nedržanje potrebnog odstojanja – 34,
- negiranje prvenstva prolaza – 10,
- nedržanje vozila u kretanju što bliže desnoj ivici kolovoza – šest,
- propuštanje održavanja puteva – četiri,
- uticaj alkohola – četiri,
- prolazak kroz crveno svjetlo – tri,
- nepropisno kretanje vozilom na raskrsnici – tri,
- nezaustavljanje vozila ispred pješackog prelaza – tri,
- samopokretanje vozila – tri,
- nepoštivanje saobraćajnih znakova – jedan,
- obaveza vozača prema pješacima – jedan,
- *ostali* uzroci – 477.

### AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom novembra 2023. godine, policijski službenici Uprave policije MUP-a Kantona Sarajevo kontrolisali su 19.093 vozila i vozača (3.050 manje), 5.318 osoba u vozilima (2.291 manje), te pregledali 613 vozila (58 više) i 532 osobe u vozilima (98 više).

Zbog tehničke neispravnosti iz saobraćaja je isključeno 26 vozila (15 manje), 346 vozača je zatečeno da upravlja vozilom pod dejstvom alkohola (126 manje), 424 osobe bez korištenja sigurnosnog pojasa (88 manje), 129 vozača su upravljala motornim vozilom bez položenog vozačkog ispita (14 manje), 61 vozač zatečen je da upravlja vozilom pod izrečenom zaštitnom mjerom zabrane upravljanja motornim vozilom (10 više), 409 vozača je zatečeno da nepropisno koriste mobilne telefone tokom vožnje (102 manje), a evidentirano je 1.136 vozila koja su učestvovala u saobraćaju bez važeće registracije (797 više).

Zbog kršenja propisa iz oblasti sigurnosti saobraćaja uručeno je 22.897 prekršajnih naloga vozačima (96 ili 0,4% više), podneseno je 145 zahtjeva za pokretanje prekršajnog postupka (172 ili 54,2% manje) i registrovano je sedam događaja s obilježjem krivičnog djela zbog ugrožavanja sigurnosti javnog prometa (dva ili 40% više).

Policijski službenici Uprave policije su tokom novembra 2023. godine, organizovali akcije pojačane kontrole vozača, višestrukih povratnika u činjenju najtežih oblika prekršaja, s posebnim akcentom na prekršaje koji se odnose na prekoračenje dozvoljene brzine kretanja motornih vozila, prolaska kroz raskrsnicu na znak uključenog crvenog svjetla, upravljanje motornim vozilom pod dejstvom alkohola, upravljanje motornim vozilom u vrijeme izrečene zaštitne mjere zabrane upravljanja motornim vozilom, upravljanje neregistrovanim vozilom ili nakon isteka važnosti registracije i vršenja nedozvoljenih radnji vozilom u saobraćaju.

Zbog prekoračenja dozvoljene brzine kretanja vozila, izrečeno je 8.455 prekršajnih sankcija vozačima (4.255 ili 101,3% više), a za prolazak vozilom kroz raskrnicu na znak uključenog crvenog svjetla izrečeno 46 prekršajnih sankcija (154 ili 77% manje).

Od višestrukih povratnika u činjenju prekršaja iz oblasti ZOOBS-a oduzeto je ukupno 13 motornih vozila: PU Novi Grad, PU Ilidža i PU Hadžići i Trnovo – po tri, PU Vogošća – dva, PU Centar i PU Ilijaš – po jedno motorno vozilo.

#### MIRUJUĆI SAOBRAĆAJ I KONTROLA PJEŠAKA

Vozačima koji su vozila nedozvoljeno parkirali na javnim površinama, uručeno je 9.057 prekršajnih naloga (3.193 manje), upozoreno je 156 vozača (13 manje), a specijalnim vozilom “pauk” premještena su 203 vozila (77 više). Zbog nedozvoljenog parkiranja, prekršajne naloge uručili su policijski službenici: PU Novi Grad – 1.891, PU Centar – 1.830, PU Stari Grad – 1.545, PU Novo Sarajevo – 1.290, Jedinica za saobraćaj – 1.117, PU Ilidža – 943, PU Vogošća – 252, PU Hadžići i Trnovo – 101 i PU Ilijaš – 88.

Pješacima koji su kršili propise uručena su 233 prekršajna naloga (49 više), a upozoreno je devet pješaka (19 manje).

#### 4. ZAKONITOST U RADU

Tokom novembra 2023. godine, registrovana su dva pojedinačna napada (isto) na policijske službenike Uprave policije MUP-a Kantona Sarajevo. Napadači su u jednom slučaju koristili fizičku snagu, a u drugom slučaju psovke i verbalne prijetnje. Napadi su izvršeni na policijske službenike PU Hadžići i Trnovo i PU Vogošća.

U novembru 2023. godine policijski službenici MUP-a Kantona Sarajevo su u tri slučaja (jedan više), opravdano upotrijebili silu (fizička snaga, sredstva za vezivanje).

Razmatrana je 21 predstavka na rad policijskih službenika Uprave policije i osam saznanja iz službe, što čini ukupno 29 predstavki. Nakon razmatranja Odbor za žalbe građana Skupštine KS donio je zaključak da se za pet predstavki (pet manje) provede unutrašnja istraga, za 14 predstavki je odlučeno da se izvrše provjere i prikupi dokumentacija, a za dvije da su neosnovane. Od osam saznanja iz službe, za sedam se vodi unutrašnja istraga, dok se za jedan slučaj vrše provjere. Okončano je šest unutrašnjih istraga među kojima su dvije istrage neosnovane, u dva slučaja interni postupak je prekinut, a u dva slučaja obustavljen. Nije bilo registrovanih predstavki koja imaju obilježja korupcije.

#### RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom novembra preduzimali aktivnosti u cilju uspostavljanja saradnje s građanima, mjesnim zajednicama, školama, predstavnicima vjerskih zajednica, raznim udruženjima građana i nevladinim organizacijama. Aktivnosti policijskih službenika bile su usmjerene na implementaciju javnih kampanja u cilju podizanja svijesti građana o različitim oblicima društveno neprihvatljivog ponašanja, kao i jačanja partnerskog odnosa između lokalne zajednice i policije.

S tim u vezi, tokom mjeseca novembra realizovane su edukativne radionice za djecu predškolskih ustanova, učenike osnovnih i srednjih škola na području Kantona Sarajevo na sljedeće teme:

- „Stop vršnjačkom nasilju“ - za 787 učenika osnovnih škola,
- „Stop vršnjačkom nasilju“ - za 373 učenika srednjih škola,
- „Cyberbullying“ - za 691. učenika osnovnih škola,
- „Cyberbullying“ - za 142 učenika srednjih škola,
- „Stop drogama“ - za 394 učenika srednjih škola,

- „Zloupotreba pirotehničkih sredstava“ - za 245 učenika osnovnih škola,
- „Prevenција maloljetničkog prijestupništva“ - za 25 učenika osnovnih škola,
- „Lopov uvijek bude otkriven“ - za 23 učenika osnovnih škola,
- „Oružje ne štiti, oružje ubija“ - za 166 učenika završnih razreda srednjih škola.

U izvještajnom mjesecu vodile su se evidencije o poštivanju izrečenih zaštitnih mjera od strane Općinskog suda u Sarajevu iz oblasti nasilja u porodici. S tim u vezi, policijski službenici izvršili su obilazak 215 žrtava nasilja u porodici kako u njihovim domovima, tako i one koje su bile smještene u „Sigurne kuće“, radi osiguranja poštivanja izrečenih zaštitnih mjera, veći stepen sigurnosti za žrtve i preventivno djelovanje na eventualno ponavljanje nasilja.

Ostvarivani su kontakti sa građanima iz reda romske populacije i migrantima, s ciljem preventivnog djelovanja iz oblasti narušavanja javnog reda i mira prosjačenjem, kao i eventualnog činjenja krivičnih djela.

## 6. MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo, u novembru 2023. godine, u prihvatnim, azilantskim i imigracionim centrima boravi cca 1.162 migranata (53 ili 4,4% manje u odnosu na novembar 2022. godine).

Tokom novembra 2023. godine nije bilo događaja s obilježjem krivičnog djela u kojima su učestvovali migranti (u istom mjesecu prethodne godine evidentirana su tri događaja).

Policijski službenici Uprave policije MUP-a Kantona Sarajevo su u mjesecu novembru 2023. godine izvršili kontrolu 12 migranata.

**TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI  
NA PODRUČJU KANTONA SARAJEVO U NOVEMBRU 2023. GODINE**

MJESEC NOVEMBAR 2023. GODINE	KANTON SARAJEVO
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	1.162
UKUPAN BROJ KONTROLISANIH MIGRANATA	12
BROJ MIGRANATA LIŠENIH SLOBODE	0
BROJ KRIVIČNIH DJELA POČINJENIH OD STRANE MIGRANATA	0
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	0
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	0
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	0

Sarajevo, 19.12.2023. godine

**Pripremili:** Odjeljenje za analitiku, planiranje i evidencije

**Obradili:** Odjeljenje za odnose s javnošću